
CVI.

Le Prince d'Orange à Wesenbeke. Mons. de St. Aldegonde le priera de venir chez lui et lui dira son intention touchant le fait de Campen et de Zwolle. Bodleian libr. Mss. St. Amand. 7 fol. 53.

1571, le 26^e Juin.

Wesenbeke, Je vous respondrois par ceste particulièrement à voz lettres du premier, X^e, XVij^e et XXij^e de ce mois, et signamment sur ce que par celle dudict X^e m'escripvez de Juno et Pallas, n'estoit que s'en allant de brief Mons. de Ste Aldegonde pour quelques affaires pardelà, je l'ay prié de vous mander chez luy, et vous dire sur tout mon intention, et mesmement sur le fait desdicts Juno et Pallas. Parquoy me sera agréable que vous allez trouver ledict Sr de Ste Aldegonde, en tel lieu qu'il vous mandera, comme vous entendrez par ses lettres, et que sur ce qu'il vous dira alors de ma part vous le croyez comme vous voudriez faire moy-mesmes. Et trouveray bien que faictes aussi venir en la présence dudict Sr de Ste Aldegonde, ceulx qui vous ont miz ledict fait de Juno et de Pallas en avant, afin qu'ayant sondé les moiens qu'ilz ont, nous puissions par après sçavoir sur quel fondement l'on pourroit bastir en cest endroit, sans témérairement entamer aucune chose.

¹ Notice de Wesenbeke.

Et me confiant que vous le ferez ainsi, ne vous tien-
dray icy plus long propos ains prieray Dieu vous avoir
en sa sainte garde. De Dillenberch ce XXV^e jour de
Juin 1571.

Vostre bon amy
GUILLAUME DE NASSAU.

*A Mre Jacques de Wesenbeke
Docteur en droict.*

R. 29 Junij. Essen resp. 2 Julij¹.

